



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԱՐՄԱՎԻՐԻ ՄԱՐԶ ՓԱՐԱՔԱՐ ՀԱՄԱՅՆՔ

գ. Փարաքար

16/04/2025

ԱՐՁԱՆԱԳՐՈՒԹՅՈՒՆ N 1  
ԱՎԱԳԱՆՈՒ ՕՐԵՆՔԻ ՈՒԺՈՎ ՀՐԱՎԻՐՎԱԾ ԱՎԱԳԱՆՈՒ ՆԻՍՏԻ

Համայնքի ավագանու նիստին ներկա էին ավագանու 13 անդամներ:

Բացակա էին՝ Դավիթ Ախտոյանը, Արփինե Առաքելյանը, Կարապետ Արթենյանը, Լյուդվիգ Գյուլնազարյանը, Կարեն Գրիգորյանը, Արմինե Հակոբյանը, Արաքսյա Վարդանյանը, Դավիթ Մինասյանը

**Ավագանու նիստին մասնակցում էին՝**

Հայկ Հովհաննիսյան, Հայկուշ Ասլանյան, Հայկ Պետրոսյան, Լիաննա Հարությունյան, Գոռ Հովհաննիսյան, Արշակ Ղորղանյան

**Նիստը վարում էր ավագանի՝ Էմմա Թորոսյանը**

**Նիստը արձանագրում էր աշխատակազմի քարտուղար՝ Գայանե Մանուկյանը**

**ԼՍԵՑԻՆ 1- ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՓԱՐԱՔԱՐ ՀԱՄԱՅՆՔԻ՝ ՀԱՄԱՄԱՍՆԱԿԱՆ ԸՆՏՐԱԿԱՐԳՈՎ ԸՆՏՐՎԱԾ ՆՈՐԸՆՏԻՐ ԱՎԱԳԱՆՈՒ ԱՌԱՋԻՆ ՆԻՍՏԻ ՕՐԱԿԱՐԳԸ ՀԱՍՏԱՏԵԼՈՒ ՄԱՍԻՆ (Ձեկ. ԷՄՄԱ ԹՈՐՈՍՅԱՆ)**

Ղեկավարվելով «Տեղական ինքնակառավարման մասին» 65-րդ հոդվածով, 64-րդ հոդվածի 1.2-րդ մասով, 69-րդ հոդվածի 6-րդ մասով, հիմք ընդունելով թիվ 14 ընտրատարածքային ընտրական հանձնաժողովի 2025 թվականի ապրիլի 6-ի «Հայաստանի Հանրապետության Արմավիրի մարզի Փարաքար համայնքի ավագանու 2025 թվականի մարտի 30-ի արտահերթ ընտրությունների քվեարկության արդյունքներն ամփոփելու մասին» թիվ 12-Ա որոշումը և 2025 թվականի ապրիլի 14 -ի «Արմավիրի մարզի Փարաքար համայնքի ավագանու ընտրված անդամներ գրանցելու մասին» արձանագրությունը. **Փարաքար համայնքի ավագանին որոշում է՝**

1. Հաստատել Հայաստանի Հանրապետության Արմավիրի մարզի Փարաքար համայնքի ավագանու 2025 թվականի ապրիլի 16-ի առաջին նիստի օրակարգը՝ համաձայն հավելվածի:
2. Սույն որոշումն ուժի մեջ է մտնում ընդունման պահից:

Կողմ-13

Դեմ-0

Ձեռնպահ-0

Որոշումն ընդունված է. (կցվում է որոշում N 1-Ա)

**ԼՍԵՑԻՆ - 2** ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՓԱՐԱՔԱՐ ՀԱՄԱՅՆՔԻ ՆՈՐԸՆՏԻՐ ԱՎԱԳԱՆՈՒ ԼԻԱԶՈՐՈՒԹՅՈՒՆՆԵՐԻ ՍՏԱՆՁՆՄԱՆ ՕՐ ՍԱՀՄԱՆԵԼՈՒ ԵՎ ՆԱԽՈՐԴ ԱՎԱԳԱՆՈՒ ԼԻԱԶՈՐՈՒԹՅՈՒՆՆԵՐԻ ԺԱՄԿԵՏՆ ԱՎԱՐՏՎԱԾ ՀԱՄԱՐԵԼՈՒ ՄԱՍԻՆ **(Ձեկ. ԷՄՄԱ ԹՈՐՈՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 72-րդ հոդվածի 1-ին մասի պահանջներով, և հիմք ընդունելով Հայաստանի Հանրապետության թիվ 14 ընտրատարածքային ընտրական հանձնաժողովի 2025 թվականի ապրիլի 6-ի N 12-Ա որոշումը. **Փարաքար համայնքի ավագանին որոշում է՝**

1. Հայաստանի Հանրապետության Արմավիրի մարզի Փարաքար համայնքի ավագանու 2025 թվականի մարտի 30-ի արտահերթ ընտրությունների արդյունքներով Հայաստանի Հանրապետության Արմավիրի մարզի Փարաքար համայնքի նորընտիր ավագանու լիազորությունների ստանձնման օր սահմանել 2025 թվականի ապրիլի 16-ը:
2. 2025 թվականի ապրիլի 16-ի առաջին նիստի գումարման պահից ավարտված համարել նախորդ ավագանու լիազորությունների ժամկետը:
3. Սույն որոշումն ուժի մեջ է մտնում ընդունման պահից:

Կողմ-13                      Դեմ-0                      Ձեռնպահ-0

Որոշումն ընդունված է. *(կցվում է որոշում N 2-Ա)*

**ԼՍԵՑԻՆ 3** -ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՓԱՐԱՔԱՐ ՀԱՄԱՅՆՔԻ ՂԵԿԱՎԱՐԻ ԸՆՏՐՈՒԹՅԱՆ ԵՎ ԼԻԱԶՈՐՈՒԹՅՈՒՆՆԵՐԻ ՍՏԱՆՁՆՄԱՆ ՕՐ ՍԱՀՄԱՆԵԼՈՒ ՄԱՍԻՆ **(Ձեկ. ԷՄՄԱ ԹՈՐՈՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 74-րդ հոդվածի պահանջներով, «Հայաստանի Հանրապետության ընտրական օրենսգիրք» սահմանադրական օրենքի 142.2-րդ հոդվածի 2-րդ մասով և հիմք ընդունելով Հայաստանի Հանրապետության թիվ 14 ընտրատարածքային ընտրական հանձնաժողովի 2025 թվականի ապրիլի 6-ի N12-Ա որոշումը. **Փարաքար համայնքի ավագանին որոշում է՝**

1. Հայաստանի Հանրապետության Արմավիրի մարզի Փարաքար համայնքի ավագանու 2025 թվականի մարտի 30-ի արտահերթ ընտրությունների արդյունքներով ընտրությանը մասնակցող ավագանու անդամների տեղերի 50 տոկոսից ավելին ստացած «Միասնություն» կուսակցությունների դաշինքի թեկնածուների ցուցակի առաջին հորիզոնականում գտնվող Վալոդյա Լևոնի Գրիգորյանն օրենքի ուժով համարվում է ընտրված համայնքի ղեկավար:
2. Հայաստանի Հանրապետության Արմավիրի մարզի Փարաքար համայնքի օրենքի ուժով ընտրված համայնքի ղեկավարի լիազորությունների ստանձնման օր սահմանել իր ընտրվելուց հետո՝ երրորդ օրացուցային օրը՝ 2025 թվականի ապրիլի 19-ը:
3. Սույն որոշումն ուժի մեջ է մտնում ընդունման պահից:

Կողմ-13                      Դեմ-0                      Ձեռնպահ-0

Որոշումն ընդունված է. *(կցվում է որոշում N 3-Ա)*

**ԼԱԵՑԻՆ 4 - ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶ ՓԱՐԱՔԱՐ ՀԱՄԱՅՆՔԻ ՂԵԿԱՎԱՐԻ ԵՐԴՄԱՆ ԱՐԱՐՈՂՈՒԹՅԱՆ ԿԱԶՄԱԿԵՐՊՉԱԿԱՆ ՀԱՐՑԵՐԻ ՄԱՍԻՆ (ԶԵԿ. ԷՄՄԱ ԹՈՐՈՍՅԱՆ)**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 74-րդ հոդվածով, հիմք ընդունելով Հայաստանի Հանրապետության Արմավիրի մարզի Փարաքար համայնքի ավագանու 2022 թվականի փետրվարի 8-ի թիվ 8-Ա որոշմամբ հաստատված Հայաստանի Հանրապետության Արմավիրի մարի Փարաքար համայնքի ավագանու կանոնակարգի 8-րդ գլխով սահմանված դրույթները . **Փարաքար համայնքի ավագանին որոշում է՝**

1. Հայաստանի Հանրապետության Արմավիրի մարզի Փարաքար համայնքի ղեկավարի երդման արարողությունն անցկացնել 2025 թվականի ապրիլի 19-ին, ժամը 12:00-ին:
2. Հայաստանի Հանրապետության Արմավիրի մարզի Փարաքար համայնքի ղեկավարի երդման արարողությունը կազմակերպել ՀՀ Արմավիրի մարզի Փարաքար համայնքի ավագանու նստավայրում՝ ՀՀ Արմավիրի մարզ, Փարաքար համայնք, գ. Փարաքար, Նաիրի 40 հասցեում:
3. Հայաստանի Հանրապետության Արմավիրի մարզի Փարաքար համայնքի ղեկավարի երդման արարողության կարգը սահմանել համաձայն հավելվածի:
4. Հայաստանի Հանրապետության Արմավիրի մարզի Փարաքար համայնքի ղեկավարի երդման արարողությանը հրավիրել Հայաստանի Հանրապետության տարածքային կառավարման և ենթակառուցվածքների նախարարության, Արմավիրի մարզպետարանի, Հայ Առաքելական Եկեղեցու ներկայացուցիչների, մշակութային, հասարակական գործիչների, պատվավոր քաղաքացիների և այլոց:
5. Հայաստանի Հանրապետության Արմավիրի մարզի Փարաքար համայնքի ղեկավարի երդման արարողության կազմակերպման պատասխանատվությունը դնել Փարաքարի համայնքապետարանի աշխատակազմի վրա:
6. Սույն որոշումն ուժի մեջ է մտնում ընդունման պահից:

Կողմ-13

Դեմ-0

Ձեռնպահ-0

Որոշումն ընդունված է. (կցվում է որոշում N 4-Ա)

Ավագանու անդամներ

ԱԲՐԱՀԱՄ ԱԲՐԱՀԱՄՅԱՆ

ՕՆԻԿ ԱԽՎԵՐԴՅԱՆ

ԼԻԱՆԱ ԳԱՍՊԱՐՅԱՆ

ՎԱԼՈՂՅԱ ԳՐԻԳՈՐՅԱՆ

ՆԵԼԼԻ ԵՍԱՅԱՆ

ՍՈՒՐԻԿ ԶԱՔԵՎՈՍՅԱՆ

ԷՄՄԱ ԹՈՐՈՍՅԱՆ

ՄԱՆՈՒԿ ՂԱԶԱՐՅԱՆ

ՀԱՅԿԱԶ ՍԱՐԳՍՅԱՆ

ԱՆՅՈՒՏԱ ՍԱՖԱՐՅԱՆ

ԱՐՐԱՀԱՄ ՖԱՐՖԱՐՅԱՆ

ԱՎԵՏԻՍ ՖԱՐՖԱՐՅԱՆ

ՄԱՐԻՆԵ ԱՐՐԱՀԱՄՅԱՆ

*Ավագանի*

ԷՄՄԱ ԹՈՐՈՍՅԱՆ \_\_\_\_\_

*Նիստին արձանագրեց՝* Գայանե Մանուկյանը \_\_\_\_\_